

曲江縣志

第四冊

卷六

輿地書 四

卷七

輿地書 五

曲江縣志卷六

輿地書四

壇 廟 祠

壇

社稷壇在北門外筆峯山麓壇制北向前十三丈
東西二丈五尺南北二丈五尺高三尺陞四級周
垣二百四十五步祭用神牌二以木爲之壇前東
西齊房各一所宋建於城內祈報坊元延祐七年
遷南門外明洪武七年徙今所嘉靖六年知府唐
昇修十九年知府符錫建石坊知縣胡德純重葺
垣牆

國朝守令重新壇位爲民祈報

按縣治附郭凡祭俱
道府承祭縣合治事

會典社稷壇爲大祀每歲春秋仲月上戊日設主於壇殊漆書曰府社神府稷神承祭官率各官俱朝衣行三跪九叩首三獻禮讀祝一叩祭品帛一黑色白磁爵三羊一豕一鉶二邊四豆四簋二簋

二二神同獻

祝文部頒

神

惟奠安九土粒食萬邦分五色以表封圻育三農而蕃稼穡恭承守土肅展明禋時屆仲春仲秋敬修祀典庶芄芃芃松柏鞏磐石於無疆翼翼黍苗佐神倉於不匱尙饗

神祇壇在東門外壇制與社稷同惟門南向壇立

神牌三中風雲雷雨左山川右城隍宋爲二壇一

風伯壇一雷師壇元至正八年立風師壇於東北

郊立雨師雷師壇於西南郊明洪武七年徙今所

壇東南首齋宿房三間北首宰牲房三間正東門

房三間久廢爲空地居民侵住嘉靖十九年知府符錫修房垣清地界表以石坊崇正十年知縣潘復敏重修

國朝守令新其壇遇祭先期灑掃以昭誠恪

會典神祇壇爲中祀每歲春秋仲月致祭安設風雲雷雨之神居中帛四府境內山川之神居左帛二府城隍之神居右帛一共白色帛七陳設禮儀與社稷壇同

祝文部頒

惟

神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲帛

尚饗

先農壇在東門外壇制高二尺一寸深廣二丈周

圍繚以垣南向境設先農神牌旁爲耜田四畝九

分雍正六年建

會典先農壇爲中祀每歲仲春亥日祭紅牌金宰
填寫先農神牌於壇承祭官率所屬俱於前期致
齋二日祭日各官俱穿朝服一切
禮儀陳設供品悉與社稷壇同

惟祝文部頒

神肇興稼穡粒我烝民頌思文之德克配彼天念率
育之功常陳時夏茲當東作咸服先疇欽維
九五之尊歲舉三推之典恭膺守土敢忘勞民謹奉儀
章聿修祀事惟願五風十雨嘉祥恒沐於
神庥庶幾九穗雙岐上
瑞頻書於大有尙饗

耜耜儀

祭先農壇畢各官俱換蟒袍補服巡道扶犁知府
秉耒知縣執青箱播耕畢各回官廳更朝衣望
闕恭行三跪九叩首禮

耕耜器物

農具一赤色牛一黑色耜耜耜箱一青色

耕耨人役
老一名牽

牛農夫二名扶犁農童六名唱歌

耕藉歌

推一

大哉先農天生聖德播厥百穀祥開稼穡立

我烝民生養攸藉

盛世

崇功首隆耕藉

家蓄蔞蓐豐草重

惟黃茂實堅實好實顯實栗萬民是寶

三
甫南畝播厥百穀十千維精糴大月

媚婦依含。媿媿與雨。邨邨我公。田遂及我。私慝。

有漢秀薈與雨陽時若福我嘉師

黍稷茂止苗害必絕不稂不莠旣庭且碩去

其蠹賊秉畀炎火田祖感格

南風之薰千耦其耘主伯亞旅芟薶維勤

蓼旣朽穢穢
穢穢紛豐盈
有象擊壤聲
聞

獲之稔積之粟其崇如壙益
推之

盈婦甯高廩萬億邇里箕車豐年膠涖

推可久實惟豐年以飭以殖典重明禋

軌南商賈紛豐台以化以終
九佳既舉典祀有常祈年孔有履獲嘉祥有

其香耶家之光有秩斯祐申錫無疆

與也青回 宣

厲壇在新館驛後向以春清明秋七月望冬十月朔致祭奉城隍神位主之道光十四年奉裁

廟

府文廟在縣治東南宋景德三年始建先聖廟至和二年知州胡牧始建學熙甯七年知府王之才廣而新之建稽古閣元祐七年提刑李孝博奏置學田元符元年知州譚粹增置學田紹興十年權郡連州判官廖蘧重修淳熙十四年教授林震移稽古閣於明倫堂後紹熙三年知州汪大定重修嘉定四年教授張箎修大成殿明年知州張思忠增修淳祐六年教授湯露重創明倫堂元至德三

年總管張傑曲江縣知縣程準重修至大二年廉
訪僉事張昕增學田明洪武初知府錢旭建明倫
堂二十年知府王世安建大成殿永樂二十三年
知府王掞重修正統二年知府湛禮創齋房天順
六年知府方玘建兩廡八年叅政劉煒修補官書
祭器成化三年知府陳爵貨民居改創學門增齋
房四年同知方新修四齋推官余羣建會饌堂五
年知府蘇韓重建大成殿七年修大成門明倫堂
先賢祠二十一年知府詹雨易櫺星門以石宏治
十三年知府曾煥建泮宮坊嘉靖元年知府周敘
新建大成殿戟門明倫堂并兩廡四齋號舍六年

知府唐昇置學田祭器書籍十五年通判黃豫建
啟聖祠大成門左爲名宦祠右爲鄉賢祠萬厯十
八年知府陳奇謀修三十年災於火南韶道張德
明捐俸重建

國朝康熙九年知府劉世亨通判池鳳翼建復尊經
閣十年知府馬元浚泮池十二年重修明倫堂二
十一年知府李煦二十五年知府唐宗堯雍正五
年知府黃文煒俱重修道光六年知府金蘭原倡
捐增修同治三年南韶連道唐啟蔭知府沈映鈐
九年南韶連道林述訓知府額哲克迭次籌款復
加修葺

宋政和御筆手詔碑朕承祖宗遺體餘烈崇經
設學校興賢能以待天下之士高爵重祿承之庸
之以待士之任官者蓋與之修政事理人民以立
太平之基致唐虞三代之隆宜有豪傑特立之材
忠信志義之人比肩相望焜耀一時爲世盛事而
比年以來懷僭亂之異謀干殊死之極憲者如趙
諗儲侔王來劉曷之徒或賢科異等勲閥世胄或
出入禁闥侍從之頌袖爲搢紳士大夫之大辱閭
巷無知愚夫愚婦之所憤疾武夫悍卒未嘗知書
者咸羞道而喜攻之其故何也豈利心勝而義不
足以動之歟抑勸導率勵之方有所未至歟夫經
傳所載君臣之分忠義之訓榮辱禍福之戒豈不
深切著明今誦其言而不能效之行事深慮薄俗
浸漬士風陵夷失崇養之指害教化之原爲天下
後世笑卿當師儒之任以學行致大官其思所以
勸勵興起畀知尊君親上之美無復暴戾邪僻之
行以居德而善俗以化天下與後世稱朕意焉敢
茲詔示奉行無怠付李邦彥御書之寶
政和八年夏六月上親御翰墨作訓于四方以其
詔屬臣邦彥使奉行之秋七月被旨揭示于太學
暨辟廡仍著之石九月臣以職事進對便朝上諭
臣曰前日詔書學者宜識所以訓迪之意且暴戾

邪僻豈人事所爲臣頓首謝曰陛下興造士澤之
人深矣孰不能惠上德而化之聖詔一頒鼓舞
不應咸目喻而心成咨嗟誦詠者不可一二數憤
激而勸以義者慨然相先也蓋教育之道素明而
理義之感人若是其敏顯詔儒臣作記以揚厲休
蹟俾天下後世無忘其本越二日御筆委臣識之
而臣疏狄一介擢長師儒毫髮未報宸翰所及獎
飾踰分眷任之意不替益專且不以燕累取玷上
寵俾加序述惟是不腆末學固不足以辱命而載
名其下有榮耀焉臣之幸也謹拜手稽首而言曰
臣聞三代之學皆所以明人倫治化之本義
命之大戒存焉士之所學學此者也上之所教教
此者也政事之興風俗之醇皆原於此周監二代
禮樂庶事備矣而教養之法加詳法象所示雲漢
其本人才之成金玉其質拔奇取異序爵而官使
之名正分辨咸懋嘉德故服事其上而下無覲覲
羔羊節儉正直之風有辭于永世知所以尊義而
立命故也治降叔未君臣信義之論策名委質貳
辟之責猶行於區區戰國之間時以爲美談豈餘
波遺澤燕及來葉而人倫之教在人必者未熄耶
上以神明淵懿之質發揮前聖光大之烈勵賢崇
化一本於學所以風天下而善萬世者三代不足

進也邪謀弗臧既底于憲而訓亂諄切必勤勤于
庠序師儒之官宸慮所圖至深且遠矣譬猶慶霄
清明白日中照有目有趾者待是焉顧非甚愚孰
不知嚮是宜革心條慮祇奉明德戒懼而不敢少
易也嗚呼士之取重於世者以義命在我物無得
而移之故尊君親上之心常存而不喪嗜逐末者
義以利勝樂干時者命以故滅陵夷漸漬始失其
常心越乃誕作狂僭矯誣之行而階之爲禍屢校
之施金梃之戒罔不作厥初則天心仁愛之篤形
于詔論其爲惠可勝旣耶書曰王言惟作命不言
臣下罔攸稟令夫以九重之近幹制四海之遠德
意志慮非言弗宜稟令之臣所當奉以周旋靡遑
夙夜矧奎章洛畫昭布于上下而又勒諸翠琰垂
範將來顧疇敢不力臣績文未工愧無以形容聖
作之萬一然告戒之嚴委寄之重尚俾來者勿怠
于成以奉揚丕顯休命於億萬斯年之永則是記
也豈特侈上之賜使後世歆豔其美而已哉冬十
月己卯朔十五日癸巳朝議大夫試大司成同修
國史隴西縣開國子食邑五百戶賜紫金魚袋臣
李邦彥奉御筆記并書

宋朱熹韶州府學四齋銘 明倫堂曰天敘有典
匪學弗明我作此堂大猷是經匪忠曷勸匪孝曷

程詔爾學子永觀厥成
崇德齋曰尊我德性希
聖學兮玩心神明悅修獨兮
廣業齋曰樂節禮
樂道中庸兮克勤小物奏膚功兮
居仁齋曰勝
己之私復天理兮宅此廣居純不已兮
由義齋
日羞惡爾修勉擴充兮
遵彼大路行無窮兮

縣文廟詳學校書

關帝廟在華春里康熙二年知府趙霖吉同知傅
宏烈建乾隆四十二年南韶連道李廷揚嘉慶二
年知縣袁嘉言十年南韶連道朱棟道光四年南
韶連道容海咸豐三年南韶連道祥和同治二年
南韶連道唐啟蔭俱重修十二年署南韶連鎮總
兵鄭紹忠南韶連道林述訓韶州府額哲克署韶
州府張作彥知曲江縣張希京倡捐重建

上御
南韶連道林本直記今

極之二年郡守趙君清戎傳君謀於不佞謂郡城
東西北皆有關帝廟而南一隅獨闕非所以便民
瞻仰禱祀也乃相方定位得皇華街右舊嶺表行
臺廢趾誅茅拓基市材庀役費出官蠲不歛民間
爲殿者一爲堂者一爲門者二翼以兩廡卜日奉
帝像以居之歲時伏臘虔修俎豆擊鼓吹笙官僚
士庶來游來歌洵首善一巨觀矣傳君捐百金置
仁化扶溪田租三百七十五石施廟中其糧三石
七斗五升歲輸常額於官或遇大差襍派則免之
使僧徒常聚香火永綿所以爲廟祀計者至深遠
矣廟落成未幾趙君以投効去傳君以陞任去余
亦爲軍務旁午屢欲記之而未遑是歲之夏士民
醵金鳩工葺其垣壁益加宏麗守僧某請記於余
劉之貞石以垂永久聞之展禽曰法施於民則祀
之以死勤事以勞定國則祀之能禦大災捍大患
則祀之非是不在祀典帝生而爲人忠孝節義歿
而爲神威靈赫濯自京師以至郡縣閭巷無貴賤
大小靡不敬奉惟謹益其明威默懾慈惠陰流育
我人民佑我邦國翼贊昇平銷弭災患功德無以
尙焉萬代瞻仰四海廟食如展禽所云宜矣抑余
更有進焉凡我同人暨邦之父老子弟登斯堂也

覩維新之廟貌尋述邁之嘉猷法其忠可以事君
法其孝可以事父法其節義可以立懦廉頑則不
徒使民禱祀已耳直範世維風而有餘矣記之烏
容緩乎是役也經始其事者前守趙君霖吉前清
戎今陞慶陽府知府傅君宏烈前別駕已陞桂陽
州知州楊君耀先共捐助以相其成者前曲江今
陞吏部驗封司主事凌君作聖踵事增華時勤墜
茨則見知韶州府事劉君世多別駕池君鳳翼例
得並書以誌不朽

會典關帝廟爲羣祀咸豐四年升爲中祀每歲春
秋仲月擇吉致祭及五月十三日致祭春秋祭品
帛一白色爵三牛一豕二羊一邊十豆十酒一鐏
五月十三日祭品帛一白色爵三牛一豕一羊一

酒一鐏果五盤

禮節祭日贊引生引承祭官進左旁門至盥洗

所贊盥洗盥洗畢引至殿內行禮處立典儀唱執
事者各司其事贊引生贊就位引承祭官就位立
典儀唱迎神唱舉迎神樂奏格平之章樂作司香
生俸香盒就香爐左邊立贊引生引承祭官就香
爐前立司香生跪贊引生贊上香承祭官立將炷
香接舉揮爐內又上塊香三次畢贊引生贊復位

承祭官復位立贊引生贊跪叩興承祭官行三跪
九叩首禮興樂作典儀唱奠帛爵行初獻禮舉初
獻樂奏翊平之章樂作捧帛爵生將帛爵捧進
神位前奠帛生跪獻畢行三叩首禮退執爵生立獻
畢退讀祝生詣安祝文桌前行一跪三叩首禮捧
起祝文立樂止贊引生贊跪承祭官讀祝生俱跪
贊讀祝讀畢捧至

神位前跪安盛帛盒內舉行三叩首禮退贊引生贊
叩興承祭官行三叩首禮立典儀唱行亞獻禮唱
舉亞獻樂奏恢平之章樂作執爵生照初獻禮於
案左獻畢退典儀唱行三獻禮唱舉三獻樂奏靖
平之章樂作執事生自案右照亞獻禮獻畢退典
儀唱徹饌唱舉徹饌樂奏羹平之章徹訖樂止唱
送神唱舉送神樂奏康平首章樂作贊引生贊跪
叩興承祭官行三跪九叩首禮立樂止典儀唱捧
祝帛饌各詣燎位捧祝帛香饌生各至
神位前俱跪捧祝帛生行三叩首禮捧香饌生不叩
首將祝帛香饌依序捧送承祭官退至西旁立候
捧祝帛生行畢復位立典儀唱望燎唱舉望燎樂
奏康平次章樂作贊引生贊詣望燎位承祭官至
燎爐前焚訖樂止揖贊引生贊禮畢

惟

神浩氣凌霄丹心貫日扶正統而彰信義威振九州

完大節以篤忠貞名高三國神明如在徧祠宇於
寰區靈應丕昭薦馨香於歷代屢徵異蹟顯佑羣
生恭值嘉辰遵行祀典筵陳籩豆几奠牲醪尚饗
咸豐四年

欽定部

頌樂章

春夾鐘清均
秋南呂清均

倍

應鐘起調
仲呂起調

迎神格平之章

神威靈兮赫八方

懿樂兮焜煌

祀事明兮永光
儼如在今洋洋

偉烈昭兮累禩
達精誠兮黍稷馨香

奠帛初獻翊平之章

英風颯兮神格思

紛綺蓋兮龍旗剡

桂醑兮盈卮
惟降鑒兮在茲

香始升兮明燄
流景祚兮翊昌時

亞獻恢平之章

觴再酌兮告虔

舞干戚兮合宮懸

歆苾芬兮潔蠲

扇巍顯翼兮神功宣

終獻靖平之章

鬱鬯兮三申
儀卒度兮肅明禋

羅籩簋兮畢陳
神降福兮宜民宜人